

## Mizo Academy of Sciences chawimawina dawngtu M. Sawmliana

K. Lalchhandama

*General Secretary*



M. Sawmliana hi Sesawng khuaah 11 January 1955 khân a piang a. Kum 1972-ah Thing-sulthliah High School-ah HSLC chu 2<sup>nd</sup> Division -ah a pass a ni. Ni 11 January 1973 ațangin Forest Department, Government of Mizoram-ah Forester hna a thawk țan a. Kum 1974 leh 1975 chhûngin West Bengal Forest School, Dowhill-ah Forester a training a. Kum 1977 khan Kottayam, Kerala-ah thla 2 chhung rubber training-in a kal leh a. Kum 1981 leh 1983 inkârah Forest Ranger, Eastern Forest Ranger College, Kurseong-ah kum 2 a training leh bawk. Ni 1 May 1983 ațangin Forest Ranger-ah a kaisâng a, he hna hi tun thlengin a la thawk a. Tunah hian Lengpui Range Officer a ni mêk.

Vai ramah engemaw chen forest training-a a

zuk awm lai ațang khan state dangten an ram thing leh mau, hnim leh thlai, nungchate thliar fela a scientific hming te felfai taka an dah mai bakah anmahni țawnga hming an vuahsak felzia a zuk hmu a. Keini Mizoten hetiang lam hi kan tlâkchham si zia a zu hre chhuak ta a ni. Kan pi leh pute khan thing, hnim leh nungchate hming hi tam tak chu lo vuah ve mah se, chhinchhiahna țha kan neih loh avangin engemaw zât chu a riral a rinawm tawh a, tuna an hming kan la hriat theih chhun te tal hi chu zawn chhuaha vawn țhat hi tihmâkmawh niin a hre ta a ni. Chubakah kan neih lai ngei te pawh la rirla mai thei an ni ith hriaiin a humhalhna lama hma kan sâwn theih nan an pawimawhna, hlutna leh tangkaina te mipui hnêna puanzâr hi a țûl hle

tih chu a Chiang ta deuh deuh a ni.

Awmze nei taka a zir bulṭanna chu kum 1983 aṭangin a ni. Environment and Forest Department-a a thawh chhung hian Mizoram khaw hrang hrangah Beat Officer leh Range Officer-in a awm kual tawh a. Hei hi a tân chuan a tum hlenna kawng pawimawh ber a ni ta a ni. Hetianga a awmna khaw hrang hrangah hian nu leh pa, pitar leh putar leh ramvachal te kâwm kualin thlai leh nungchate chanchin zawtin a chhinchhiah ṭhin a. Thing/hnim ṭangkaina te, ramsa leh sava-in thing rah leh pâr an tlan duhzawng te zâwtin a chhinchhiah zêl a. Ramsa leh sava te chu lehkhabu-a a lemte entirin a Mizo hming mi chi hrang hrang a zâwt ṭhin bawk. Tin, a zin reng rengin kawng sira thing/hnim par leh rah te a hmuh chuan a ding a, a thla te la-in, zir chian turin inah a hawn ṭhin. A châng chuan ramhnuaiah te a kal a, thing hnah, pâr leh a rah te a lâkkhâwm mai bâkah thing chi leh rah a hmuh te chu a la tel bawk ṭhin a, chu chu ni saah a phoro hnu-in *patla*-in a bûk a, kg 1 -ah engzat nge awm tiin a chhiar a, a chhinchhiah bawk ṭhin.

Thing, hnim leh thlai, a botanical name-a a hriat mai theih loh te chu a pâr, a rah, leh a ṭang telin a la a, chu chu tirovin, Botanical Survey of India, Shillong-ah te, National Herbarium, Howrah-ah te, leh Forest Research Institute, Dehradun-ah te a thawn ṭhin a. Hetiang hian thlai chi 600 chuang zet chu a hming dik tak hre turin lo identify-tir tawh a ni.

A kutchhuak lehkhabute chu:

1. *Glossary of Botanical Names* (1983).
2. *Notes on Nursery And Plantation Technique* (c. 1985).
3. *Some Mizo Botanical Names and Zoological names* (1988). Hmingdailova Colney, M.Sc, Principal, Mizoram Forest Education and Research Institute, Bethlehem Veng, Aizawl.
4. *Mizo Botanical and Zoological Names* (1998). Lalnunziri, Chanmari West, Aizawl.
5. *Forester's Field Guide* (2009). P. Zakhuma, Chanmari West, Aizawl.
6. *The Book of Mizoram Plants* (2003). P. Zakhuma Chanmari West, Aizawl.

huma Chanmari West, Aizawl.

7. *The Book Of Mizoram Plants – Enlarged* (2013). P. Zakhuma, Chanmari West, Aizawl.

Association for Environmental Preservation (ASEP) chuan 6 December 2013 khan Aizawl Press Club-ah ramngaw leh nungcha humhal-hna kawnga thawk tha mi 9 a thlang chhuak a, chung zingah chuan M. Sawmliani hi a lehkhabu ṭangkai tak tak te avangin chawimawina a hlân a ni.

68<sup>th</sup> Independence Day lawmna, 15 August 2014-a Lammuala neihah kum 41 chhûng a hnathawh ṭhat avangin Governor's Gold Medal for Distinguished Service chu M. Sawmliana hian a dawng. He chawimawina hi Chief Minister Lal Thanhawlan a hlân a ni.

Mizo Academy of Sciences Governing Body chuan M. Sawmliana chanchin leh hnathawh te ngunthlûk taka a ngaihtuahin, a kutchhuak te hi Zofate leh research beitate tâna lo la hlu zual zêl tur a ni tih a hria a, chuvangin chawimawina hlan ni se tiin a rêl ta a. Chawimawina hi General Conference 3 October 2014-ah hlân tûrin a ruahman ta a ni.

Tunah hian a nupui fanau te nen Chanmari West-ah an chêng mêk.

